

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 133. stav 2. Poslovnika Skupštine Zeničko-dobojskog kantona-Novi prečišćeni tekst („Službene novine Zeničko-dobojskog kantona“, broj 7/12), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 115. sjednici, održanoj dana 03.07.2013. godine, d o n o s i

## **ZAKLJUČAK**

### **I.**

Vlada Zeničko-dobojskog kantona prihvata Amandman I i II poslanice u Skupštini Zeničko-dobojskog kantona Indire Mundžić, na Prijedlog Zakona o šumama, koji glase:

#### **AMANDMAN I**

Član 38. Prijedloga Zakona o šumama mijenja se i glasi:

„Korisnik državnih šuma dužan je plaćati naknadu u visini 7% od ostvarenog prihoda od drveta računajući cijenu drveta na panju i prihoda ostvarenog od nedravnih šumskih proizvoda, u skladu sa odredbama člana 51. stav 1. i 2. ovog Zakona“.

#### **AMANDMAN II**

Iza člana 51. Prijedloga Zakona o šumama dodaje se član 52. koji slijedi:

Član 52. (Naknada za općekorisne funkcije šuma)

(1) Naknadu za općekorisne funkcije šuma u visini od 0,07 % od ukupno ostvarene godišnje dobiti, plaćaju sva pravna lica koja su registrirana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona.

(2) Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju u korist računa Budžeta.

(3) Od obaveze plaćanja naknade iz stava (1) ovog člana izuzimaju se: korisnik državnih šuma i šumskog zemljišta, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobiti, te pravna lica koja upošljavaju preko 50% invalidnih lica, bez obzira na obavljanje djelatnosti radi sticanja dobiti.

(4) Kontrolu obračuna i uplate naknade iz stava (1) ovog člana vrši porezna uprava i šumarski inspektor na način predviđen u članu 51. stav (4) ovog Zakona.

### **II.**

Amandmani iz tačke I. ovog zaključka postaju sastavni dio Prijedloga Zakona o šumama.

### III.

Ostali članovi Prijedloga Zakona o šumama postaju članovi 53-68 i isti će se analogno tome nomotehnički uskladiti u cjelokupnom tekstu.

### IV.

Zaključak sa obrazloženjem u kome su sadržani razlozi zbog kojih se utvrđuju podneseni amandmani upućuje se u dalju skupštinsku proceduru.

### V.

Zaključak stupa na snagu danom donošenja.

Broj: 02-\_\_\_\_\_ /13

Datum, 03.07.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine Zeničko-dobojskog kantona,

1x a/a.

## **O B R A Z L O Ž E N J E**

### **I P R A V N I O S N O V:**

Članom 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ br.7/10), propisano je da Vlada donosi zaključke kojima se utvrđuju stavovi o pitanjima od značaja za sprovođenje utvrđene politike, odnosno određuju zadaci kantonalnih organa uprave.

### **II R A Z L O Ž I Z A U T V R Ā D I V A N J E:**

#### **A M A N D M A N I**

Vlada Zeničko-dobojskog kantona, razmatrajući amandman I poslanice Indire Mundžić na Prijedlog Zakona o šumama, zauzela je stav da se član 38. Prijedloga Zakona o šumama izmijeni tako da glasi: „Korisnik državnih šuma dužan je plaćati naknadu u visini 7% od ostvarenog prihoda od drveta računajući cijenu drveta na panju i prihoda ostvarenog od nedrvnih šumskih proizvoda, u skladu sa odredbama člana 50. ovog Zakona“, ovo iz razloga što je prihvatljivije i ekonomičnije da korisnik državnih šuma naknadu u visini od 7% plaća od prihoda od drveta računajući cijenu drveta na panju i prihoda ostvarenog od nedrvnih šumskih proizvoda, a ne od ukupnog prihoda ostvarenog po osnovu prodaje drvnih sortimenata i nedrvnih šumskih proizvoda bez naznaka da li je prihod ostavren od prodaje na panju ili stovarištu.

#### **A M A N D M A N II**

Vlada Zeničko-dobojskog kantona cijeneći opravdane razloge u obrazloženju podnesenog Amandmana II poslanice Indire Mundžić je prihvatila podneseni Amandman definisan u tački I ovog zaključka.